

Redovni izvještaj dnevnih događaja i pojava

Izvještaj se odnosi na događaje u vremenskom periodu od 24.08.2026. godine od 08:00 sati do 25.08.2026. godine do 08:00 sati. Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

POŽARI (LP-3)

Grad Bihać. Vatrogasna jedinica grada Bihaća imala je pet intervencija na gašenju požara:

- Požar na Plješevici je i dalje aktivan. Gašenje otežava vjetar i nepristupačan teren. Upućen je zahtjev za pomoć Oružanih snaga BiH.
- 08:52 do 09:15 sati u ul.Krupska, gdje je gorjelo smeće.
- Od 16:00 do 18:15 sati u mjestu Gata, gdje je gorjela šuma i nisko rastinje.
- Od 20:21 do 20:50 sati u mjestu Ripač, gdje je gorjela trava.
- Od 20:11 do 20:45 sati u mjestu Humci, gdje je gorjela trava.

Grad Bosanska Krupa. Vatrogasna jedinica grada Bosanska Krupa imala je dvije intervencije na gašenju požara:

- Od 14:50 do 16:30 sati u mjestu Perna, gdje je gorjelo nisko rastinje.
- Od 14:30 do 18:30 sati u mjestu Gomila, gdje je gorjela šuma i nisko rastinje.

Grad Cazin. Vatrogasna jedinica grada Cazina imala je tri intervencije na gašenju požara:

- Požar koji je nastao 20.08.2026.godine oko 17:30 sati na području Velike i Male Gomile je i dalje aktivan.U gašenju i spriječavanju požara učestvuju: Vatrogasna jedinica Cazin, DVD Stijena, DVD Liskovac,DVD Pećigrad, pripadnici GSS - Stanica Cazin, timovi GSS i „Avantura“; timovi sa ATV/quad vozilima ATV Koprivna i ATV Gomila iz Stijene, paraglajderi, koji svojim angažmanom doprinose izviđanju i praćenju stanja na požarištu. Helikopter OS BiH je bio angažovan na gašenju požara tri dana.
- Od 08:00 do 14:30 sati u mjestu Šilja, gdje je gorjela šuma i nisko rastinje.
- Od 21:23 do 00:50 sati u mjestu Šilja, gdje je gorjela šuma.

Općina Bosanski Petrovac. Požar na Crnom vrhu i dalje aktivan – gore podzemni pozari i panjevi, ali pod kontrolom.

Općina Sanski Most. Vatrogasna jedinica općine Sanski Most je imala pet intervencija na gašenju požara:

- Od 07:50 do 10:50 sati u mjestu Majkići, gdje je gorjelo nisko rastinje.
- Od 17:00 do 19:20 sati u mjestu Sasina, gdje je gorjela šuma.
- Od 21:50 do 22:25 sati u mjestu Kruhari, gdje je gorjelo nisko rastinje.
- Od 22:00 do 23:15 sati u mjestu Sasina, gdje je gorjela šuma.
- Od 19:10 do 01:20 sati u mjestu Lušci Palanka, gdje je gorjela šuma.

Upućen je zahtjev za pomoć Oružanih snaga BiH.

Općina Velika Kladuša. Vatrogasna jedinica općine Velika Kladuša imala je intervenciju od 12:07 do 16:35 sati u mjestu Jabukovac, gdje je gorjelo nisko rastinje i šuma.

Ostale vatrogasne jedinice nisu imale intervencija.

Napomena: U trenutku pripreme izvještaja pada kiša srednjeg intenziteta.

OBLAST SAOBRAĆAJA (prohodnost puteva, drumski i željeznički saobraćaj)

Svi magistralni i regionalni putevi na području kantona su prohodni.

Na graničnim prelazima putnička vozila, za sada ne čekaju duže od 30 minuta.

BEZBJEDNOST U SAOBRAĆAJU (LP-7) (saobraćajne nezgode)

U protekla 24 sata na području Kantona desilo se šest saobraćajnih nezgoda.

Dva lica zadobila su lakše tjelesne povrede, te je pričinjena materijalna šteta.

OŠTEĆENJA ELEKTRIČNE MREŽE (LP-18)

Elektroenergetski sistem je stabilan.

OBLAST TELEKOMUNIKACIJA (LP-18)

Telefonske veze funkcioniraju u u svim pravcima.

OBLAST VODOSNABDIJEVANJA (LP-18)

Grad Cazin - Zbog povećane potrošnje i smanjenog kapaciteta na izvorištima uvedene su redukcije u snabdjevanju. Redukcije će trajati nekoliko sati u različitim vremenskim periodima, tokom dana i noći, za pojedine grupe potrošača, a posebno za korisnike vodovodnih sistema Vignjevići i Tahirovići.

Općina Bužim - Zbog smanjenog kapaciteta i velike potrošnje pitke vode uvedene su redukcije za naselja koja se snabdijevaju sa izvorišta Pivnice i Musići.

Vodosnabdijevanje u ostalim općinama i gradovima je zadovoljavajuće.

NEEKSPLODIRANA UBOJNA SREDSTVA NUS (LP-19)

Grad Bihać- Od Službe civilne zaštite grada Bihaća primljena je Prijava podataka o neeksplodiranim ubojnim sredstvima. U mjestu Srbijani pronađena je tromblonska mina.

Općina Velika Kladuša-Od Službe za civilnu zaštitu i zaštitu od požara općine Velika Kladuša, primljena je Obavijest o okolnostima zaprimljene prijave pronalaska NUS-a u mjestu Bosanska Bojna. Nije navedeno o kojoj vrsti NUS-a se radi.

METEOROLOŠKO-HIDROLOŠKA SITUACIJA

U gradu Bihaću u 08:00 sati temperatura je iznosila °C.

Vodostaj rijeke Une iznosi cm, (početak obavješćavanja je 100 cm).

U meterološkoj stanici u Bihaću niko se ne javlja na telefon.

U općini Sanski Most u 08:00 sati temperatura je iznosila 15 °C.

Vodostaj rijeke Sane iznosi 72 cm (početak obavješćavanja je 310 cm).

Napomena: Služba civilne zaštite i zaštite od požara općine Velika Kladuša nije dostavila Redovni izvještaj.